



## 嗯嗯哼哼

「若骨頭，應該還㑲使到開刀！」醫生解釋。

「㑲使到開刀？！嗯嗯嗯！哼哼哼！」細阿哥仔嗯嗯哼哼。

「有問題係無？有問題就講啊！」醫生有譴聲。

「醫生，敗勢！佢有『妥瑞』。」做阿姆个佢遽遽摻醫生會失禮、解釋。

「哦！失禮！佢看佢自家嘍嘍嘍，佬著有麼个问题。」醫生轉過同情个聲調。

醫生个了解，分人感受著安慰；踎嘴尾、嗯嗯哼哼，成時嘍嘍嘍、自家摻自家講話个細阿哥仔，佢毋係挑試恁樣个，佢有異無結煞个症頭，安到「妥瑞氏症」。

「妥瑞氏症」係一種遺傳性个神經運動病症，主要有動作型摻聲語型兩種會掣个「抽動」(tics)。故所，細阿哥仔成下仔矚目珠、成時手緊掣，歸日仔喉嚨頭、鼻公有犯樣仔嗯嗯嗯、哼哼哼，對八歲起勢，哼啊哼欵也哼有歸十年了。比起有兜嚴重个人，可能會牙研目皺、嘴蹙鼻閉、掙鞋蹬爪、手拂腳搥、做狗吠、呷口涎、咄了少話，矚目、拂手、哼哼哼个佢，還算異好得。

「妥瑞氏症」係神經个问题引起个，一萬儕人差毋多有五儕人恁樣，細俵人又比細妹人多三、四倍，摻遺傳、腦神經傳導个物質有關係，毋過原因還㑲盡清楚、藥物个治療也㑲盡有效。好得，十股有兩三股个人，二十歲過可能就好了，也可能無恁嚴重。乜好得，手緊掣影響寫字，還係做得寫字；哼哼哼哼吵人、攏自家，還係做得食飯、演講。毋過，有兜較嚴重个細人仔哼無停、咭到大痲聲、掣到手拂腳蹬，既經異無奈何，吵到別人嘴嘍鼻翹、嫌佢講影響人家上課學習，加勢傷佢兜个心。

醫學个進步，分僇俵了解著這種病症係神經學，毋係精神病學个问题；僇人个進步，就看僇俵有幾闊个心，包容、體諒別人个無奈何。

作者：彭瑞珠

## ☆詞彙學習☆

【踎嘴尾】ten<sup>ˊ</sup> zoi mi<sup>ˊ</sup>：重複對方的話語。 【手拂腳搥】su<sup>ˋ</sup> fin giog<sup>ˋ</sup> fag<sup>ˋ</sup>：手舞足蹈。

【妥瑞氏症】to<sup>ˋ</sup> sui sii ziin：Tourette

【呷口涎】pi heu<sup>ˋ</sup> lan<sup>ˊ</sup>：吐口水。

Syndrome，又稱抽動症。

【哼哼哼哼】hng<sup>ˋ</sup> hng<sup>ˋ</sup> hng hng：頻頻發出

【有犯】iu<sup>ˊ</sup> fam<sup>ˊ</sup>：有妨礙。

不滿意的感嘆詞。

## ☆文法學習☆

【好得】ho<sup>ˋ</sup> ded<sup>ˋ</sup>：1.副詞，幸虧；2.形容詞，幸運。

例1：好得你拉等佢，佢正無翻崩崗。(幸虧你拉著他，他才沒摔下懸崖。)

例2：高速公路貶車，車肚个人無仰仔，異好得。(高速公路發生翻車意外，車上的人沒受傷，很幸運。)